

लाहना

व्यवसायिक पत्रकारिता, शैल्या आवश्यकता

LAHANA WEEKLY

वा:पौ

सा:गु भिंगु मरिचरिया नितिं लुमका दिसें !

लक्ष्मण जमाल /चिलमि' प्रोप्राइटर

लाखा छें
LAKHA CHHEN

सोहखुटे, वडा नं. १६, यें, फोन नं.: ४२६०७५८

निर्वाचन आयोगपाखें तालिका सार्वजनिक दलतलिसे सहलह यायेत प्रमया आनाकानी



लहना वा:पौ/निर्वाचन आयोगं वइगु फागुन २१ गते जुइगु प्रतिनिधिसभा दुजः निर्वाचन तालिका पारित या:गु दु। आयोगया सोमवाः च्वंगु बैठकं निर्वाचन तालिका पारित या:गु खः।

पारित जूगु निर्वाचन तालिका कथं मसिर १ निसें १० गते तक चुनाव प्रयोजनया नितिं राजनीतिक दल दर्ता यायेगु ज्याइवः तयातःगु दु। उक्तं हे माघ २ निर्वाचन अधिकृतया ज्याकू थापना यायेगु ज्या जुइसा फागुन ३

निसे १८ गते तक चुनाव प्रचार प्रसार यायेत ई बियातःगु दु। निर्वाचनय् ब्वति काये न्ह्याःपिसं वइगु कार्तिक ३० गते तक राजनीतिक दल दर्ता यायेमाःगु व्यवस्था यानातःगु दु।

निर्वाचन आयोगं चुनावी कार्यतालिका पारित या:सां नं निर्वाचनया नितिं राजनीतिक पार्टीत लिसे सहलह यायेगु ज्या धा:सा जुयाच्वंगु मदु। चुनावया नितिं वातावरण दयेकेगु नितिं राजनीतिक

दलतयूत सुनां वार्ताया नितिं सःतेगु धइगु खँय् अलमल जुयाच्वंगु दु।

चुनावया नितिं कांग्रेस, एमाले, माओवादी आदि दलतयूसं राष्ट्रपति हे सहलहया नितिं सःतेमाःगु खँ धायेगु यानाच्वंगु दुसा मेखे राष्ट्रपति पौडेल धा:सा प्रधानमन्त्री कार्यकारी प्रमुख जूगुलिं प्रधानमन्त्री हे राजनीतिक दलत लिसे सहलह ब्याकेमाःगु खँ धायेगु यानाच्वंगु खँ सूत्रं धा:गु दु। तर प्रधानमन्त्री कार्की धा:सा जेनजी

संसद पुर्नस्थापना माग यासें एमाले अदालत वनेगु तयारी

लहना वा:पौ/ नेकपा एमालें प्रतिनिधिसभा विघटन विरुद्ध अदालत वनेगु बारे सहलह यानाच्वंगु खँ सीदुगु दु। एमालेया प्रचार विभागया प्रमुख राजेन्द्र गौतमं कांग्रेस व एमालें छप्पें जुयाः अदालत वनेगु तयारी जुयाच्वंगु खँ कनादीगु दु।

एमालें प्रतिनिधिसभा विघटन असंवैधानिक जूगु धासें अदालत वनेगु बारे सहलह यानाच्वंगु खँ धा:गु दु। तर अदालतय् वनेगु मोडेल छु गज्याःगु जुइ धइगु बारे सहलह जुयाच्वंगु खँ गौतमं कनादीगु दु।

थ्व स्वयां न्ह्यः एमाले अध्यक्ष केपी शर्मा ओली सार्वजनिक जुइधुंकाः ख्वपया गुण्डुइ च्वंगु एमालेया सचिवालय बैठकय् नं संसद विघटनयात कयाः अदालत वनेगु बारे सहलह जूगु खः। उगु सहलहया इवलय् एमाले उपमहासचिव प्रदीप ज्ञवाली संसद विघटनयात कयाः न्यायिक परीक्षण यायेमाःगु खँ धयादीगु खः।

आन्दोलनकारीतयसं थीथी कथंया दबाब बीगु यानाच्वंगुलिं यानाः सर्वपक्षीय बैठक सःतेत लिचिलाच्वंगु खँ सूत्रं धा:गु दु। प्रधानमन्त्री कार्की हे सर्वपक्षीय बैठक सःतेगु खःसा जेनजी आन्दोलनकारीतय् दथुइ मेगु

हे सन्देश वनेफइगु जूगुलिं सर्वपक्षीय बैठक सःतेत लिचिला च्वंगु खँ सूत्रं धा:गु दु।

चुनावी वातावरण दयेकेगु नितिं सःतेमाःगु सर्वपक्षीय बैठक इलय् सःते

त्यं ७ पेजय्

बिराट साहित्य सम्मेलन व सिरपाः

लहना वा:पौ/विराट नेपालभाषा साहित्य सम्मेलन गुथिया खसालय् वंगु आइतवाः ६४ क्वःगु विराट नेपालभाषा साहित्य सम्मेलन राममन्दिर ख्वपय् क्वचायेकूगु दु।

दैय्दसं कौलाथ्व द्वादसीखुन्हु यानावयाच्वंगु साहित्यिक ज्याइवलय् विराट पूर्ण बैद्य सिरपाः साहित्यकार मोतिलक्ष्मी शाक्ययात छगू लख तका व हनापौ मूपाहाँ प्रा.डा. चुन्दा बज्राचार्य व सिरपाःया दाता मधुम्ह पूर्ण वैद्यया तिरिमय्जु

मिरा शाक्य वैद्य लःल्हाःनादीगु खः। अथेहे श्याम आशाया 'म्हूचिंगु ल्हाः' चिबाखँ मुना व शिक्षाविद्, बौद्ध विद्वान्, साहित्यकार स्व. त्रिरत्न शाक्य स्मृति ग्रन्थ 'ह्याउँबाला' प्रा.डा. बज्राचार्य, गुथिया नायः महेन्द्रगोपाल कर्माचार्य, बिराट पूर्ण बैद्य सिरपाःया दाता मिरा शाक्य वैद्यपिसं मंकाः पितब्वज्या यानादीगु खः।

पंचायतया इलनिसें गबले

त्यं ७ पेजय्

Trendiest Fashion
At Price You Love

ufo the clothing store
#EMERGENCYATTITUDE

तान्तःया पासा
कुल्फी व आइसक्रीम
भीपिया दिसें।

Himalayan Ice

घौ, दुरु, ह्याः, बटर व
क्रिम बजारय् उपलब्ध दु

सुर्खविनायक नगरपालिका, वडा नं. १, सिरुटार धम्मसार, ख्वप
४२०८६०८७२५, ४२४४६४८३२५



नेवाः राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वॉय् थ्व हे खः ज्यान भी सकस्यां छगू जातितय् स्वायत्त राज्यं लुइ कपं च्वय् भिलिभिलिं राष्ट्र भःभः धाय्क न्ह्याके भीगु चःतिं भीगु हिं

सम्पादकीय



विरोध प्रदर्शनया इवलय् लुटपाटय् संलग्न जूपिंत तत्काल कारबाही याः

जेन-जी आन्दोलनया विरोध प्रदर्शनया इवलय् जूगु आगजनी व लुटपाटय् संलग्न जूपिंत तत्काल कारबाही याइगु स्वयेत व न्यनेत जनता उत्सुक जुयाच्वंगु दु। उकिं जक अपार पीडां छुं भचा राहत बी।पीडितया छँजःयात छुं भचा न्यायया अनुभूति जुइ। तर जेन-जी आन्दोलनं पलिस्था याःगु सरकारं अपेक्षित तयारी क्यने फयाच्वंगु मनुनि। गृह मन्त्रालयया जानकारी कथं आयोगं प्रतिवेदन लःल्हायेधुंकाः जक कानून कथं न्ह्याः वनेगु सरकारया मनसाय स्पष्ट जूगु दु। थुकिं २३ गते जूगु दमन व २४ गतेया आगजनीया गहिराइयात सरकारं महसुस मयाःगु सन्देश बिउगु दु, गुगु जनताया अपेक्षा अःखः खः। सरकारं थःगु निर्णययात कयाः पुनर्विचार यानाः कानूनी प्रक्रिया पूर्वकाः दोषीयात तत्काल कारवाहीया दायराय् हयेमाः।

विद्यार्थीतय्सं ग्वसाः ग्वःगु व ब्वति काःगु उगु विरोध प्रदर्शनय् विद्यार्थीपिनिगु अप्पोसित गोली लाःगु दु। दमन व मानवीय क्षतिं स्तब्ध जूगु नेपाली समाज अझ नं सामान्य मानसिक अवस्थाय् लिहां वःगु मनुनि। उकिं थुकी संलग्न सुं नं मनुयात फयांफत्तले याकनं कानूनया दायराय् हयेमाःगु आवश्यक जूगु दु। मखुसा सरकारया स्वेच्छाचारी स्वभाव अप्वइगु निश्चित दु। सत्ताय् च्वपिसं थःगु आधारभूत जिम्मेवारी जवाफदेही जुइगु ल्वःमंकी।मेखे २३ क्वःगु क्षतिं आक्रोशित जेन-जी सतकय् कुहां वयाः विरोध यायेगु निर्णय यायेधुंकाः थीथी स्वार्थ समूहया संलग्नता दुगु विवरण पिहां वःगु दु। जेलं बिस्युं वनेगु, सरकारी ज्याकुथि व निजी छँ च्याकेगु, व्यापारिक केन्द्र लुटे यायेगु इच्छा याइपिं फुक्क पुचलं थःथःगु आवश्यकता कथं तयारी याःगु खनेदु।थुकिं शासक शक्तिया आडय् न्ह्याक्व हे नरसंहार याःसां कारवाही मजुइगु खँ स्थापित जूगु दु। थुकियात स्यंकेगु निंतिं थुगु इलय् कारवाही यायेमाः। निगूगु, तत्काल कारवाही मयात धाःसा बुलुहुँ बुलुहुँ देय् मेमेगु प्राथमिकताय् तक्यनी।

यदि कारवाही मजुल धाःसा उकियात पार यानाः न्हूगु यात्रा न्ह्याकूपिं पात्र व प्रवृत्तिं थःगु हे सः अप्वयेकेफु। इमिगु थःगु हे सः अप्वया हे च्वनी। गथे कि जेन-जी आन्दोलनं तत्कालीन प्रधानमन्त्री केपी शर्मा ओलीयात सत्ताच्युत यात। सामान्यतया अनुसन्धान यायेत थाकुगु, नियमित प्रक्रियापाखें कारवाही यायेत थाकुगु, विश्वसनीय मजगु, कानूनया कःघाये मफइगु घटनायात विशेष आयोग वा समिति गठन यायेगु चलन दु। जेन-जी आन्दोलनलिसे स्वापू दुगु राजनीति व प्रशासनय् उच्चस्तरीय अधिकारीतय्गु कमजोरीया ठोस प्रमाणया निंतिं नं अनुसन्धान आयोगया प्रतिवेदनया प्रतीक्षा जुइफु।

उगु इलय् सरकारयात मेगु निर्णय यायेत छुं समस्या जुइमखु। थुगु इलय् नियमित प्रक्रियापाखें न्ह्यागु हे कारबाही जूसां न्ह्यःने वनेगु अपेक्षा दु। २४ भाद्र कुन्हु जूगु तःधंगु आगजनीया घटनाया छानविन नियमित प्रक्रियापाखें नं यायेफइ। अथे यायेगु क्षमता प्रहरीयाके नं दु। प्रहरीं नं थःगु ज्या यानाच्वंगु दु। दसि ताजा जुइबलय् इमित ज्या यायेत अःपुइ। उकिं सरकारया थ्व निर्णय प्रहरीयात नं निरुत्साहित व निराश याइ।

मोहनीया इलय् जात्रा याइगु बस्ति खोना

लहना डेस्क

मोहनि नखःया इलय् यल जिल्ला दुने लाःगु नेवाःतय्गु पुलांगु बस्ति खोनाय् जात्रा याइगु चलन दु। सिकाली माजु अर्थात सिकाली द्यःया जात्रा याइगु खः खोनाय्। अथे मोहनि नखःया इलय् अन जात्रा याइगु जुयाः यक्वसिनं मोहनि नखः मदुगु बस्ति धइगु खोना खः धकाः धाय्गु याना वयाच्वंगु दु। न्यंकं बाखंकथं यँया क्वःने लागायापिं हे ख्वयाः ख्वया खुसि सिथिसिथं वनाः अन हे बस्ति दय् काच्चंगु नेवाः बस्ति जूगुलिं हे खोना धाःगु धाइ। स्थानीय मनूतय्गु धापूकथं खोनाया आःया बस्ति जुइ न्ह्यः न्हापा खोनां भचा तापाक्क कुदेशय् बस्ति दुगु खःसा लिपा मल्लकालय् वयाः जक थौकन्हय्या खोना बस्तिरुपय् विकास जूगु धाइ। १३गूगु शताब्दीइ कुदेशय् बस्ति जूगु लिपा १५गूगु शताब्दी वयाः जक थौकन्हय्या खोनाया बस्ति जूगु धापू दु। स्थानीय मनूतय्सं खोनाया सिकाली प्याखं रत्न मल्लया इलानिसें सुरु जूगु धाःसां व स्वयां न्ह्यः हे अन भेलु अर्थात भैलःद्यःया जात्रा अर्थात भैरबया जात्रा दुगु न्यनेदु। यँया क्वःने लागायापिनि भैलःद्यःया जात्रा जुइगु इलय् हे खोनाय् नं जात्रा जुइगु जुयाः खोना व क्वःने लागानाप तसकं स्वापू दु धकाः धाइ। लिपा वनाः मल्लकालय् जक ख्वाःपाः प्याखं दुगु खः धाइगु मान्यता दु। मल्लकालय् हे व्यवस्थित बस्तिरुपय् विकास जूगु खोनाय् मोहनि नखःया इलय् मूल रुपं भैलःद्यः, अष्टमातृका गणनापं थीथी द्यःया द्यःखः जात्रा अले ख्वाःपाः पुयाः प्याखं ल्हुइगु खः।

खोनाय् प्याखं व जात्रा

खोनाय् दैय्दसं कउलाथ्व पार अर्थात नःलास्वनेगु पार कुन्हु तःगुथि, सलां गुथिया प्यम्ह प्यम्ह कुमारतपाखें फुक्क छँवाप्वाः पतिकं पुजा काइगु चलन दु। अले उगु पुजा बहिन जुइवं सिकाली ख्यलय् वनाः अनया सिकाली द्यःया थाय् पूजा याइगु खः। अथे हे दुतिया कुन्हु नं पुजा कयाः सिकाली ख्यलय् हे वनाः पुजा याइगु खः। अले तृतिया कुन्हु नं पुजा फयाः न्हिच्छ हे अपसं च्वनी। तृतिया कुन्हु देशं पिने तःगुथि, सलां गुथि व जः गुथि अर्थात जम्मु गुथिपाखें च्चख्वः फल्वा न्ह्यःने छम्ह छम्ह थुमेय् बलि बीमाःगु चलन दु।

अथे स्वंगू गुथिपाखें बलि ब्यूपिं स्वम्ह थुमेय् मध्ये तःगुथि व सलां गुथिपाखें स्याःपिं मेय्या हि च्याम्ह कुमारतय्सं पाः भुचाय् तयाः सिकाली ख्यलय् द्यःयाथाय् यंकैमाःगु चलन दु। अथे हे जःगुथिया हि धाःसा अनं तुं सिकाली माजुया नामय् छ् वाकीगु चलन दु। उकथं थुमेय्या हि यंकै धुंकाः सिकाली ख्यलय् च्चम्ह सिकाली द्यःया थाय् स्वंगूगु हे गुथियापिं च्वनाः विशेषकथं पुजा याइ। उगु पुजायात गोप्य व तान्त्रिक पुजा नं धाय्गु याना वयाच्वंगु दु। अनं लिपा थुमेय्या ला जात्रा यानाः देशय् दुत हइगु नापं थःथःगु गुथिइ विशेष पुजा यानाः दुकाइगु चलन दु। उकुन्हु हे चान्हय् व हे थुमेय्या लाया छ्वय्ला छुयाः नइगु जुयाः छ्वय्ला भू नं धाय्गु याना वयाच्वंगु दु। छँवाप्वाः पतिकं चौथि कुन्हु छ्वय्ला भू याइ। अथे हे चौथि कुन्हु स्वंगू हे गुथिपाखें हाकनं



छम्ह छम्ह मेय् थःथःगु गुथिया न्ह्यःने स्याय्गु याइ। अले बहिन व हे मेय्या ला तयाः गुथ्याःतय् भव्य नइगु खः।

चौथि कुन्हु हे स्वंगू गुथिपाखें क्वंद्यः अर्थात भैरव स्थापना याय्गु ज्या याइ। तःगुथिपाखें खोना देगः अर्थात सिकालीया देगलय् सलां गुथि व जः गुथिपाखें थःथःगु गुथिया थकालिया छँय् भेलु थुइगु अर्थात क्वंद्यः स्थापना याइगु खः। क्वंद्यः स्थापना याइगु धइगु बास्तवय् भेलु थुइगु अर्थात थ्वै थुइगु खः। अथे हे पंचमि कुन्हु मूल जात्रा याइगु चलन दु। सिकाली देगय् च्वंगु मूर्ति लिकया द्यःखतय् तइ। अले पूजा आज्ञा याय्गु ज्या जुइ। अनं लिपा खोनाया द्यःप्याखं क्यनीपिं पीखुम्हेसिया गुथि अर्थात रुद्रायणी गुथिपाखें नं पुजा याइ। पुजा क्वचाय्धुंकाः भव्य नय्गु याइसा चान्हय् जुइवं द्यःखः क्वबियाः बाजं थानाः जात्रा याइगु खः। उगु इलय् स्वंगू हे गुथिपाखें थापं याःगु भेलुद्यःकथं स्वंगः स्वंगः भेलु हयाः नं जात्रा याइगु खः। अले चान्हय् हे भेलुद्यः नापं द्यःखःतकं क्वबियाः सिकाली ख्यलय् यंकीगु खः। अन होम नं याइ। होमया इलय् स्वंगू हे गुथिपाखें छम्ह छम्ह दुगु तकं बलि बीगु याइ। उगु इलय् खोनाया मू प्याखंकथं नालातःगु द्यःप्याखं तकं हुइकेगु ज्या याइ। भिंय्म्ह द्यःपिं सत्य कुमार, हनुमान, गणेशः, कुमार, रुद्रायणी, कुमारी, ब्रम्हायणी, वैष्णवी, इन्द्रायणी, बाराही, काली, महालक्ष्मी व महाद्यःया ख्वाःपाः पुयाः प्याखं हुइ।

उगु हे इलय् सिकाली ख्यलय् द्यः ल्हवंवाकेगु धकाः तीतिं न्हुइकेगु तकं याइ। अथे हे अन स्वंगू हे गुथिपाखें बिलभद्र महाकालयात तकं प्याखं हुइकेगु ज्या जुइ। चान्हय् प्याखं हुइकेगु नापं भव्य नय्गु ज्या सिकाली ख्यलय् याइगु खःसा अनं लिपा षष्ठि कुन्हु सुथय् फुक्कं द्यःनापं द्यःखः व भैलः द्यःतकं बस्ती हय्गु याइ। बस्ती नं प्याखं हुइकेगु निसं जात्रा याइ। बस्ती नं द्यः ल्हवंवाकेगु ज्या जुइ। उगु हे कथं सप्तमि कुन्हु रुद्रायणी गुथिपाखें च्वय्लाछिं क्वय्लाछितक द्यःप्याखं हुइका यंकी। अलय् क्वय्लाछिया दबुली न्हिच्छ धइथें प्याखं हुइकेगु ज्या जुइ। अष्टमि कुन्हु द्यःखः जात्रा यानाः दकलय् लिपा च्वय्लाछिया सिकाली अजिमाया देगलय् द्यः स्थापना यानाः क्वचाय्की। नवमि कुन्हु थःथःगु छँय् नं द्यःया थाय् पुजा वनी। अथे पुजा वने न्ह्यः थःथःगु छँय् दुगु कापः थाय्गु तान अर्थात तांगा पुजा याय्गु अले मोहनि सिन्हः फय्गु तकं याइ। दकलय् लिपा नवमि कुन्हु पुजा क्वचाय्काः मोहनि भव्य धकाः भव्य नयाः जात्रानापं मोहनि नखः क्वचाय्केगु खोनाया नेवाःतय्सं याना वयाच्वंगु दु।

खोनाय् मोहनि नखःलिसेया स्वापू

मोहनिया इलय् खोनाय् जात्रा जुइगु जुयाः गुलिं गुलिसिनं खोनाय् मोहनि नखः मदु धकाः धाय्गु याना वयाच्वंगु खः। वास्तवय् जात्रानापं थौकन्हय् खोनाय् च्वपिन्सं हनाच्चंगु संस्कृतियात स्वल् धाःसा थौकन्हय् तक नं मोहनि नखःया इलय् द्यःखः जात्रा, ख्वाःपाः जात्रा दुसा अथे हे थापं याय्गु, कूछि भव्य नय्गु चलन धाःसा मदु। खोनाय् च्वपिं सुनां नं नःलास्वां स्वनेगु ज्या याइमखु। नःलास्वां स्वनेगु ज्या मयाइगु जुया हे मोहनि नखः मदु धकाः धाय्गु याना वयाच्वंगु खः। खोनाया नेवाःतय्सं नवमि अर्थात स्याक्वत्याक्व कुन्हु बुँज्याया निंतिं छ्यलीगु सामान व ल्वाभःयात पुजा याइगु चलन मदु।

अलय् अष्टमि कुन्हु नं थापं याइगु चलन मदु। नवमि कुन्हु कापः थाइगु तान अर्थात तांगा धाःसा पुजा याना वयाच्वंगु दु। मोहनि सिन्हः फयाः मोहनी सिन्हः तिनाः मूल रुपं रुद्रायणी अर्थात सिकाली द्यःयाथाय् पूजा याःवनीगु चलन दु। अलय् नवमि कुन्हु मोहनि भव्य नइगु चलन दु। थुगु ल्याखं स्वय्गु खःसा खोनाय् मोहनि नखः मदु धकाः धाय्फइगु अवस्था धाःसा मदु। बरु मोहनिया इलय् थापं याय्गु नःलास्वां पीगु चलन धाःसा मदु। उकिं खोनाया नेवाःतय्सं मोहनिया इलय् थःगु हे कथं नखः नापं जात्रा हनाच्चंगु दु धकाः धाय्फइगु अवस्था दु।

सापार कुन्हु थापं याइगु चलन

खोनाया नेवाःतय्सं दैय्दसं सायाः अर्थात सापार कुन्हु थःपिनिगु जीवनय् छ् यलाबुला वइगु फुक्क कथंया ज्याभःनिसं ल्वाभःतक थापं याइगु चलन दु। न्हापा न्हापा खोनाया नेवाःतय् बुँस्वयां अप्वः बाली दुगु खः धाइ। अले बालीइ पीगु वायात वला पीगु धाइ। अथे वला लइगु धइगु सापार लिपा खः।

उकिं हे बुँज्यानाप स्वापू दुगुकथंया ज्याभःनिसं ल्वाभःतक सापार कुन्हु पूजा याइगु चलन खः। अले वला लइगु खः। अथे हे मेमेथाय् च्वपिं अप्वः यानाः नेवाःतय्सं मोहनी धुंकाः जक वा लइगु खः। मोहनीया इलय् वा लःवनेगु निंतिं माःगु फुक्ककथंया समान थापं याइगु खः अष्टमी कुन्हु। मोहनी नखः धुंकाःनिसं हे वा लय्गु सुरु जुइ। थुगु ल्याखं स्वय्गु इवलय् थापं याइगु धइगु बुँज्याया निंतिं माःकथं सामान तयार याय्गु कथंया नखःया रुपय् कयातःगु खः धकाः धाय् फइगु अवस्था दु।

थुकथं खोनाया नेवाःतय्सं मोहनिया इलय् थापं मयाइगु अले थःगु हे स्थानीय द्यःया जात्रानिसं प्याखं क्यनेगु याना वयाच्वंगु धइगु अनया विशेषता जुयाच्वंगु दु धाःसां छुं पाइमखु।

नेपाः देय्या सकल जातिं
हनावयाच्चंगु राष्ट्रिय नखः मोहनि
नखः तसकं न्ह्याइपुगु व ताःहाकःगु
नखः खः । थ्व नखः बिस्कं हे महत्वं
जायाच्चंगु दु । ऐतिहासिककथं धाय्
ला सांस्कृतिक पर्व धाय् ला राजनैतिक
कारणं धाय् ला थ्वयात थीथी तर्कवितर्कं
परिभाषित यानाच्चंगु दु । थ्व मोहनि
नखःयात थीथी नामं थीथी कथं धाय्गु
याना वयाच्चन । गुलिस्स्यां थ्वयात
विजया दशमि, विजया दशैं धाय्गु
याःसा गुलिस्स्यां दुर्गापूजा, भगवती पूजा,
काली पूजा धया वयाच्चन ।

तर नेवाःतयस् श्वयात मोहनी हे
 धायगु याना वयाच्चंगु दु। श्व विजया
 दशमियात ऐतिहासिककथं धायगु खःसा
 रामायणय् न्थ्यथनातःकथं रामया कलाः
 सीतायात हरण याना यंकूह रावणयात
 हतालय् बुकाः स्याःगु दिंयात कयाः विजय
 याःगु लसताय् हंनाच्चंगु विजया दशमि
 धयातल। मेगु शिव पुराणकथं धायगु
 खःसा पार्वती दुर्गाया रुप कयाः महिषासूर
 दैत्ययात स्यानाब्यूगकथं दुर्गायात लुमंकाः
 माने याइगु दुर्गापूजा धयाच्चन।

थथे हे थ्वकुहु चुण्ड दैत्ययात
स्यानाब्जगुया कारणं हर्षोल्हास जुयाः थ्व
दशै पर्व कालीयात पूजा यानाः माने याःगु
धयागु किम्बदन्ति नं दु । तर असत्ययात
सत्यं त्याकूगु विजय महोत्सवकथं दानव
वा राक्षस जाति परास्त याःगु कारणं
शान्ति स्वस्तिया नितिं माने यानातःगु
विजया दशमिया रुपय हना वयाच्वंगु नं
धाइ । खास यानाः मोहनि नखः धयागु
दक्व मातृशक्तियात पूजा याथगु खः ।

उर्कि दुर्गा सप्तसतीकथं आश्विन
कउलाथ्व पारुनिसें कउलाथ्व नवमितक
छसिकथं गुम्ह दुर्गापिन्त पूजा याइ।
व गुम्ह दुर्गापिं थुकथं दु। शैलीपुत्री,
ब्रम्हचारिणी, चन्द्रघण्टा, कुष्माण्डा,
स्कन्दमाता, कात्यायनी, कालरात्रि,
महागौरी व सिद्धिदात्री खः। नेवाःतय्
यैय् गुन्हुतक नवरथ वनेगु धकाः थीथी
तीर्थय् म्वःल्ह वनीगु चलन दु। थबलय्
गुग् तीर्थकथं शंखरतीर्थ शंखमोल,
निर्मलतीर्थ भचारुसि, पुण्यतीर्थ गोकर्ण,

मोहनि नखः हनेगुलि थथःगु जातिया थःथःगु पहः दु । परापूर्वकालनिसें माथं नखःचखः हना वयाच्च्वीपं नेवाः जाति मोहनियात थःगु हे परम्पराकथं हना वयाच्च्वगु दु । धर्मया खँय् नेवाः त शैव, हिन्दू व बौद्ध न्ह्यामहं थजुइमा, थःपिनिगु धर्म, संस्कृति व संस्कारकथं मोहनियात उलि हे महत्व बियाः न्ह्याइपुक्क नखः हनाच्च्वगु दु । नेवाः समाज उभतभचयनभलयगक समाज जुगुलिं थ्व जातिया संस्कृति तसकं तःजि । छा्य् थाःसा न्ह्याम्गु नखःचखल्य् थःथःगु जातिकथंया तजिलजियात क्यनेथें बाजागाजा, संगीत, तिसा वसः, हावभाव क्यनेगु यानाच्चनी । आश्विन शुक्ल पारुनिसें आश्विन पुन्हि फिन्थान्हुतक हनीगु खःसां दशमितक फिन्हु थीथी ज्याइवः ज्वनाः तःजिक मोहनि हनी । थ्व फिन्हुया दिनय् नःलास्वनेगुनिसें शुरु जुयाः नवरात्री वनेगु, पचिमहः, फूलपाती, कूछि भव्य, स्याक्वत्याक् व चालंयात विशेषकथं महत्व बियाः हनीगु याइ ।

मोहीन नख हेनेगु इवलत्य् दकलत्य्
 न्हापां घटस्थापना अर्थात नःलास्वने
 कुन्हु थःपिनिगु छैछ्वां सुचुपिचु यानाः
 नःलास्वनेगु याइ । नःला स्वेनेत लिक्क
 लाःगु खुसिइ वनाः वा छैय् हे म्वःल्हुयाः
 आगमत्य् कःनि तछ्व व छ्वया पुसा
 भ्यगतत्य् वा सलिखत्य्, बोतात्य् फि व
 पैचात्य् नःलास्वां पीगु याइ । थ्वयात पूजा
 यानाः न्हिन्हिं लः बियाः तसकं हिफाजत
 यानाः बांलाक्क नःलास्वांयात ह्वय्केगु
 याइ । हनुमानध्वाखात्य् नं विधिगत बडाई
 यानाः नःलास्वां कुमारी चोकया कोतत्य्
 पीगु याइ । थनील नेवाःत्य् पचिमहः
 धकाः टेकु दोभान पचली भैरवयात पूजा
 यानाः अन तयातःगु क्वंचाय् पुज्याइ ।
 थबलत्य् यैया क्वःनेपाखेया ज्यापुतत्य्
 काय्मस्तत्य् पचलीइ वःलाः तय्गु धकाः
 छ्हु न्ह्यः तय् यंकी । नाय्, कपालीत नं
 थ्वकुन्हु थन विशेष पूजा याः वनेमाः ।

मोहनिया मेगु विशेषकथं हनीगु
फूलपाती खः। थ्व सप्तमि कुहु
गोरखानिसें हःगु फूलपाती गुरुजुया
पल्टनसहित विशिष्ट व्याक्तिपनिगु
सहभागिताय् जमःनिसें असं जुकाः
हनुमानध्वाखा यंकाः स्वनी। अले



तिनिख्यलय् नं सेनातयुसं लस्करं च्चनाः
 हर्षबढाई व टोप न्यायुकी । थ्व हर्षबढाई
 स्वयूत तापाक गार्मनिसें मनूत म्वःम्वः
 तिनिख्यलय् स्वःवइ ।

मोहनिया महाअष्टमि कुट्टु
नेवाःतय् विशेषकथं कूछि भव्य धकाः
छैजःपिं फुक्क च्चनाः कुली कुछि बजि
दानाः वाउँगु लपेत्य हाकु मुस्या, पालु
तयाः सावक भव्य नयगु याइ । थबलय्
छक्कः सकलें दाजु किजापिं छथाय् मुनेगु
याइ । अथे हे महाअष्टमि व महानवमिया
शुद्ध चान्ह्य कालरात्री धकाः विशेष
पूजा यानाः सच्छिभ्मं मयाकं मेय्यात
कुमारी चुक्य गृह्यपूजा याना बलि बी ।

महानवमी पर्वयात नेवातर्यसं
स्याक्वत्याक्व धाय्गु याइ । थ्व
नवमी कुन्हु सकल द्यःपिं पूजा याइ ।
थुकुन्हु दच्छिइ छक्वः जक चालीगु
हनुमानध्वाखाय् च्वंगु तलेजु भवानीया
दर्शन याः वनी । बलि बीमाःपिनि
थःथगु छैय्, भगवती, दक्षिणकाली
वा नासः द्यःयाथाय् वनाः मेय्, दुगुचा,
भ्याय्चा, हेय्, फै, ख्वंगःयात बलि बी ।
थःपिनिगु छैय् दुगु सवारी साधन, मेशिन,
त्वाभलय् बलि बिबाः हि म्हुकी ।

तर थ्व हिन्दूतय् बलि बीगु चलन
अप्चः खनेदु। तर बौद्धमार्गीपनि बलि
बीगु म्होजक चलन दु। बरु प्राणी
हिंसाया पलेसा बलिया नाम चबाँ धकाः
हैय् छ्दैय् तयाः पुज्याय्गु याइ। स्याय्गु
पालेगु संस्कार थौंकन्ह्य् उलि ल्वःगु
संस्कार मख्य धुंकल। तर धयाँ छु याय् ?
मोहनि नखः हे लाया नखःथे जुयाच्चन।
नखःया नां हे स्याक्वत्याक्व धयाच्वंगुलि
धाइनापं थ्वकुन्हु दुर्गा कालीयात गुलि
बलि बीफइ, उलि हे पूय लाइ धाय्गु
याः। व हे बाहाँ स्यानाग्या थीथी अङ्ग

बहनिइ भव्य नयाः सीकाभू कायगु याइ ।
 शुथाय् मनूतय् प्राणी हिंसापाखे भचा
 लिचिला वःगु खनेदु । बलि बी हे माः
 धयागु करकाप याना मच्चने धुंकल ।

मोहनिया दशमि कुन्हुयात विजया
दशमि धाइ। थ्वकुन्हु मू दिं खः।
नेवाःतय् चालं धाइ। थ्वकुन्हु छैय् छैय्
च्चपिं सकल द्यःपिं पूजा याइ। नेवाःतय्
विशेषकथं थीथी द्यःपिन्त आराधना
याना पूजा याइ।

थीथी जातिर्पिनि न्त्यथु कुह
स्वनातःगु सफू ज्याभः, हलंज्वल
पुञ्याना क्वकायगु याइ । सकल छैःनी
बाबालाःगु वसतं पुनाः भःभः धायकाः
थकालिपाखें जाकि अबिरं वालातःगु
ह्याउँगु सिन्हः, फयातःगु मोहीन सिन्हः
तिनाः नःलाखां छुनाः ह्याउँगु व तुयुगु
कोखा क्वखानाः भःभः धायकी ।
मोहीन फयाः पूज्यायगु धयागु शक्तिया
साधना हे खः । द्यःथाय् च्याकातःगु
तंत्रमंत्र साधना यानागु तेजस्वरूप
मतया मिज्वालां सल्लिखय् च्वंगु हाकः
मोहीनिया स्वरूप खः । थ्व मोहीन तीव्र
शःपिन्त स्वास्थ्य लाभ व आत्म रक्षा जुइ
धयागु संस्कार दु । उकिं मोहीनिया मोहीन
तसकं विशेषता दुगु जुल ।

मोहनिया मेगू छू विशेषता
मिजंतयसं स्वनातःगु खड्ग लःल्हाना
कयाः गुलिस्यां छैय् छैय् भुइफसि, तु, पालु
पालाः पिखालखुइ वाय् यंकी । यै, यल,
ख्वप, भँत, किपू आदि थाय्थासय् खड्
गजात्रा धकाः पायाः वय्गु नं याइ । यैया
तेवाहाः पायाः, वँतु पायाः, क्वाहीत पायाः,
यतखा पायाः, न्यत पायाः, किलाषः
पायाः, महाबू पायाः, थँबही पायाः पिहां
वइ । आपाः थासय् ज्यापु जातिंतयसं
ब्वति काइ । महाबुइ तबःत नं पायाः वइ ।

असं पायाः धकाः तुलाधरत पिहां वइ ।
तर असं व वँतु इलाकाया चालं कन्हय्
कुन्हु जक याय्गु चलन दु । असनय्
पायाः वइबलय् मर्चाणिसें न्ह्यःने वइ ।
चालीनिसें छँखापतिकं नखत्या ब्वनाः
म्ह्याय्मस्त, भिनामस्त इष्टमित्र सःताः
मोहनिया नखत्या ब्वनी । राष्ट्रिय नखःकथं
हनाच्चंगु थ्व मोहीन इवल्य् विजया
दशमि कुन्हु राष्ट्राध्यक्ष व गण्यमान्यपाखें
टिका ग्रहण याइ । कोजाग्रत अर्थात पुन्हि
कुन्हुतक उखेथुखे नखत्या वनीगुली व्यस्त
जुयाच्चनी । छँय् पिनातःगु नःलास्वना
कोजाग्रत कुन्हु बिसर्जन याय् यंकल कि
मोहीन नखः नं क्वचाइ ।

मोहन हिन्दूतयगु तःजिगु नखः
धाःसां बौद्धत नं धार्मिक सहिष्णुता व
आस्था तयाः उल हे हना वयाच्वंगु दु ।
थुगु नखः हनेत सरकारं छवाःतक ज्याकू
हे बन्द यानाः बिदा बियातःगु दु । अभ
कर्मचारीतयूत लच्छिया पेरिककथं तलब
नं बी । स्कूल कलेज ला बाःछि तक
हे बिदा बी । दशै माने याःवनेगु धकाः
स्वनिगः दुने वयाच्वीपि फुकक प्रवासीत
थःथःगु गामयू लिहां वनी । थुबलयू
स्वनिगलयू हुलमूल मदयाः शान्त
वातावरण जुयाच्वनी । मोहानिया
लसतायू स्वनिगलयू भुतुमालि ब्वयूकेगु
चलन दु । थुथायू थीथी लकसं थौंकन्हयू
मनूतयसं भुतुमालि ब्वयूकेगु याना महल ।
बर थायथासयू हुसुलुं तयाः हुसुलुं पुइगु
याना हल । मोहानिया लसतायू मालश्री
लसयू म्ये हालेगु चलन दु, थ्व नं हाःपिं
मन्त । मोहनि नखः छैजःपिं नापलायगु
नखः खः धाःसां पाइमखु ।

तापालय् वनाच्चीपि जूसां
मोहनिया इलय् न्ह्याइपुकेत देशविदेशं,
गांगाम बिदा कयाः थःपिनिगु छै वय्गु
याइ । उकिं थ्व मोहनि नखः पारिवारिक
जमघट, समानता, स्वतन्त्रता, भातृत्व
एकताया भावनां बिर्लिबिर्लि जायाच्वंगु
नखः खः । तर अपशोच आपालं ल्याय्
मह ल्यासेत व छैजःपिं लजगाःया नितिं
विदेशय् ज्या याः वनेमाःगु व आपालं
मनूतय् सन्तानत अध्ययन याः वनाच्वंगु
व विदेशय् पलायनया कारणं न्हापाथें
थ्व नखःया चहक खने मदु । हाकनं
छथ्व मनूत धर्म परिवर्तन यांनाः जूगुलिं
थुमिसं मोहनि नखः हनेगु त्वःतल । गुलिं
बौद्धत हिंसाया कुकर्म याय् मज्यू धकाः
मोहनि माने मयाःपिं नं दु । आर्थिक
अवस्थाया कारणं नखचखः हने मफया
वना नं च्वंगु दु । तर न्ह्यागुसां दच्छिइ
छक्कः वइगु राष्ट्रिय पर्व मोहनियात दुथें
फुथें न्ह्याइपुवक हनाः थःपिनिगु संस्कृति
त्यंका वया हे च्वन ।



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।



आयो नून खाई स्वस्थ रहौ



लाउसल्ल आयो 'आयो नून' यसले लक्ष्मणस गढे नून

आयोदिनाले कालीकाट दुने विक्रीहिरु



लाउसल्ल आयो नून

१. माई छुने, कु छुने कालीकाट दुने नून खाई, नूनले छुने छुने को सखे ।
२. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
३. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
४. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
५. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
६. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
७. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
८. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
९. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।
१०. लक्ष्मणस गढे, लक्ष्मणस गढे, लक्ष्मणस गढे, लक्ष्मणस गढे ।

लक्ष्मणस गढे लक्ष्मणस गढे लक्ष्मणस गढे लक्ष्मणस गढे लक्ष्मणस गढे लक्ष्मणस गढे लक्ष्मणस गढे लक्ष्मणस गढे लक्ष्मणस गढे लक्ष्मणस गढे

सिंह रैड्स कॅल्सियम विटामिन्स

कॅल्सियम विटामिन्स, १०००, १०००, १०००, १०००, १०००, १०००, १०००, १०००, १०००, १०००

ढर देय्या चौकदे नारायण जात्रा

किपा : सामाजिक सञ्जाल





लुँमधि अजिमा भद्रकालीया महिमा



प्रेममान इंगोल



भद्रकालीयात भारतय

तकं तःधंगु महत्व
बियाः पूजा यानावःगु
खनेदु । भारतया
केरलाय नाराणतु
आंतन (वैय) या बाखं
तसकं चर्चित जू ।
व बररुचिया काय
खः । वयाके अद्भुत
शक्ति नं दु । तर व
न्हयाबले वैय थें भेष
दय्काः जुयात्तवनी ।
भिक्षा फवनाः थःगु
प्वाः थनात्तवनीम्ह
खः । बहनी गन छु
ध्वदुत व हे नइ, गन
न्हयां अन हे घनी ।
तजाःगु पहाडं ल्वहँ
कुर्केगु वयात तसकं
यः । गनं नं पहाडय्
ल्वहँ खनकि वं कुर्का
हे छ्वइ ।

तान्त्रिक विधि कथं पूजा
यानावःम्ह लुँमधि अजिमा भद्रकाली
देवीया ज्वः मदुगु महिमा दु । वसपोल
भद्रकाली द्यःया नां लुँमधि अजिमा
गुक्थं च्ववन धइगु सन्दर्भय् छू
किम्बदन्ति समाजय् प्रचलित दु ।

प्राचीन इलय् स्वनिगलय् वा पीगु
इलय् छम्ह ज्यापुया वा पिनाच्चंगु इलय्
छम्ह मिसा मचा बुँइ वयाः ख्वयाच्चंगु
खन । उम्ह ज्यापु वनाः मचायात
न्त्याक्व ख्वय्मते धकाः ह्यय्कूसां
सुम्क मच्चं । न्ह्याक्व ह्यय्कूसां सुम्क
मच्चंबलय् ज्यापुं थः न्हिनय् नय्त
धकाः हयातःगु मरि छापाः मचायात
बिल । व मचा मरि खंबलय् ख्वय्गु
त्वःताः न्हिलाहल व तत्काल हे अनं
अन्तरध्यान जुल । थ्व लू खनाः व
ज्यापु अजू चाल । मचायात बियागु
थःगु ल्हातय् च्वंगु मरि स्वलं, व नं
लुँयागु जुयाच्चंगु खंबलय् व भन अजू
चाल । थ्व धुंकाः उम्ह ज्यापुं मचायात
साक्षात देवी हे भाःपियाः लुँयागु मरि
ब्यूम्ह जुयाः लुँमधि अजिमा धाल ।
थुकथं भद्रकालीयात लुँमधि अजिमा नं
धाय्गु याःगु खः ।

ज्यापुं साक्षात देवी हे
नालाकाःम्ह मचा अन्तरध्यान जूगु खँ
जुजु गुणकामदेवयाथाय् तक्क हे थ्यन ।
जुजु गुणकामदेव व थाय्थात द्यःया
वासस्थान धकाः अन हे भद्रकाली
पीठया स्थापना यात । व ज्यापु मचा
रूपी देवीयात खनाः व थासय् गुम्ह
गुम्ह द्यः अर्थात नवदुर्गाया स्तुति याःगु
जुयाः भद्रकालीयात नवदुर्गामध्येया
देवी कथं कयाः पूजा याय्गु यानावःगु
दु । थुगु पीठय् सामान्य रुपया शिला
छालय भद्रकाली द्यः विराजमान
जुयाच्चंगु दु ।

थ्व हे भद्रकालीयात चामुण्डाया
रूपं नं पूजा यानावःगु दु । दुर्गा कवचय्
धयातःकथं भगवतीया अनेक रुपमध्ये
भद्रकाली नं छगू खः । देवी महात्म्य व
दुर्गा सप्तशतीइ दुर्गायात भिंछगू नामं
वन्दना यानातःगु दु । थः भक्तया भक्तिइ
न्ह्याबले लय्तायाच्चनीम्ह देवीया रूपं
भद्रकालीयात पूजा याय्गु यानाच्चंगु
दु । तान्त्रिक विधि कथं नित्य पूजा याय्
माःम्ह थुम्ह देवीया देगलय् नवरात्रीइ
भक्तजनत म्वःम्वः हे थ्यनेगु याः । थ्व
इलय् विशेष रूपं थीथी विधिं तान्त्रिक
पूजा याइगु जूगुलिं थन विशेष कथं हे
भःभः धाइ ।

थः भक्तयात भद्र सुख व मंगल
प्रदान याइम्ह भद्रकाली देवीयात
सप्तशती देवी महात्म्य चण्डी पाठय्
दुर्गायात थुकथंया भिंछगू नामं वन्दना
याय्गु याइः

- १) जयन्ती
- २) मंगला
- ३) काली
- ४) भद्रकाली
- ५) कपालिनी
- ६) दुर्गा
- ७) क्षमा
- ८) शिवा
- ९) धात्री
- १०) स्वहा
- ११) सुधा

दुर्गा कवचय् न्ह्यथनातःकथं

भगवतीया अनेक रुपमध्ये भद्रकाली नं
छगू खः । थुकियात लुँमधि स्थान नं
धाय्गु याः । वंशावली कथं कलिगत
सम्मत ३८२४य् यै नगर दय्कूबलय्
जुजु गुणकामदेव देय्या रक्षा याय्गु
निर्गत नगरया प्यखेरं लुँमधि अजिमा
(भद्रकाली), कङ्ग अजिमा (कंकेश्वरी),
म्हिय्प अजिमा (ज्ञानेश्वरी), मयित
अजिमा (मैतीदेवी), तखति
अजिमा (नीलवाराही), डतमरु
अजिमा (नरदेवी), बछला अजिमा
(बछलेश्वरी), लुँति अजिमा
(इन्द्रायणी) स्थापना यानाः खः जात्रा
न्ह्याकूगु खँ न्ह्यथनातःगु दु ।

भद्रकालीयात भारतय तकं
तःधंगु महत्व बियाः पूजा यानावःगु
खनेदु । भारतया केरलाय नाराणतु
भ्रांतन (वैय) या बाखं तसकं चर्चित
जू । व बररुचिया काय खः । वयाके
अद्भुत शक्ति नं दु । तर व न्ह्याबले
वैय थें भेष दय्काः जुयाच्चनी । भिक्षा
फवनाः थःगु प्वाः थनाच्चनीम्ह खः ।
बहनी गन छु ध्वदुत व हे नइ, गन
न्हयां अन हे घनी । तजाःगु पहाडं
ल्वहँ कुर्केगु वयात तसकं यः । गनं
नं पहाडय् ल्वहँ खनकि वं कुर्का हे
छ्वइ । अक्सर मनूतय्सं वयात वैय
धकाः व हे कथंया व्यवहार याइ । तर
व सांसारिक मायाजालं तापाः, अर्थात
मुक्त जुयाच्चम्ह खः ।

छक्कः चान्हसिया इलय् व
मसानघाटय् थ्यन । व मनमौजीम्ह,
वयात छु गां, छु मसां । वं व हे
मसानय् मि च्याकाः जा थुल । छुं ई
धुंकाः अन हे भद्रकाली मां बिज्यात ।
भद्रकाली अन मसानय् वयाः प्याखं
ल्हुइगु यानाच्चनीगु खः । व मनूयात
खनाः भद्रकालीं धाल, 'हे मनू छ
थन चिलाहुँ, जि प्याखं ल्हुइमाल ।'
नाराणतुं याउँक प्याखं हु, थन यक्व
चकंगु थाय् दु धकाः जा थुइगुलिइ हे
व्यस्त जुयाच्चन । भद्रकालीं छ्यं संकु
संकुं धाल, 'मखु, जि प्याखं हुलेबलय्
सुनां नं स्वयम्ज्यू अय्जुयाः छ थनं
वने हे माः ।'

नाराणतु धाःसा थःगु हे धुनय्
मन जुयाच्चन । वयागु पहः खनाः
भद्रकालीं धाल, 'सुं नं मनुखं जितः
खन धाःसा वयात कि त जिं आशिर्वाद

बीमाः या श्राप । का धा, छन्त जिं छु
बी ।'

नाराणतुं मिइ द्यछुनातःगु जा
ल्ववनाकाल अले धाल, 'जितः
शान्तिसाथ जा नय्ब्यु, जितः छुं नं
म्वाः ।' लिसलय् दृढ सलय् भद्रकालीं
छं न्ह्यागुसां वरदान फवने हे माः धकाः
धाल । नाराणतुं धाल, 'अथेखःसा जिगु
निर्धारित आयुइ छ्हु अप्वय्काब्यु ।'
भद्रकालीं व ला थम्हं याय्मफूगु धाल ।
'का ठिक जू अय्सा जिगु कुल आयुइ
छ्हु क्वकयाब्यु सा' नाराणतुं धाल ।
देवीं थ्व खँ नं थःगु वशय् मदुगु धाल ।

'उफ, अय्सा जितः याकःचा
त्वःताब्यु, जितः छुं हे म्वाः' थथे
धाधां नाराणतुं ल्हाः निर्पां प्यपुंक्ल ।
तर भद्रकाली अनं टसमस नं मजू ।
हानं नाराणतुं न्हिलाः धाल, 'का, जिगु
जव तुतिया घाः देपा तुतिइ तयाब्यु ।'
भद्रकालीं अथे हे यानाबिल व थःगु
लोकय् लिहावन । नाराणतुया प्वाः
जाय्क जा नल अले तुति इवलंकाः
अन हे घनाछ्वत ।

भारतय नवरात्री न्ह्यानाकथं
भगवती मातायात देशय् दक्वथाय्
तःजिक भःभः धाय्क छाथिप्याः
उत्सव न्याय्की । हरियाणाया कुरुक्षेत्रय्
छगू जक भद्रकाली पीठय् भःभः
धाय्क छाथिपी । नवरात्रीइ द्यःगःयात
प्यखेरं देशी विदेशी स्वानं छाथिपी,
भिलिमिल मत च्याकी । पीठया
पीठाधिस सतपाल शर्माया कथं कलश
स्थापनाया इवलय् थन ५१सः कलशया
शोभायात्रा पिकाइ । थ्व हे देगलय्
कृष्ण द्यःया मुण्डन याःगु धयातःगु दु ।

पुराणया कथं भद्रकालीया
कुरुक्षेत्रय् परम शक्तिपीठ धाम दु ।
थुगु महाशक्ति पीठय् विशेष उत्सवया
रूपं चैत्र व आश्विन महिनाय् नवरात्री
न्याय्की । नवरात्रीइ माताया उपासना
श्रेष्ठतम नाली । शक्तिपीठय् माता
भद्रकालीया विशेष महत्व दु ।
शक्तिपीठ मां सतीया यःगु निवास
खः, गन मांया शक्ति प्रकट जुइ । हिन्दु
धर्मग्रन्थय् थज्याःगु ५२ शक्तिपीठया
वर्णन दु । व मध्ये छगू हरियाणाया
कुरुक्षेत्रय् श्री देवीकूप भद्रकालीया
देगः दु ।

भद्रकाली शक्तिपीठय् देवी

सतीया जव तुतिया पुलिं क्वय्या भाग
कुतुंवंगु खः । यसको महत्व उबले अभ्र
अप्वइ, गबले थुकी श्रीकृष्णया प्रसङ्ग
नं स्वाइ । धाय्गु याः कि भद्रकाली
शक्तिपीठय् श्रीकृष्ण व बलरामया
मुण्डन जूगु खः अथे धयागु सँ खाःगु
खः । पीठाधिस सतपाल शर्माया कथं
भद्रकालीया देगः माता देवी कालीयात
समर्पित जुयाच्चंगु दु । भद्रकाली
देगलय् देवी कालीया प्रतिमा स्थापित
यानातःगु दुसा देगलय् दुहांवनाकथं
तःधकं पलेस्वां दय्कातःगु दु । थुकी
मां सतीदेवीया जव तुतिया पुलि
क्वय्या भाग तुयूगु संगमरमरं दय्काः
स्थापित यानातःगु दु ।

पौराणिक बाखं कथं सतीदेवी
थः अबु दक्ष प्रजापतिं याःगु यज्ञय्
कुब्बानाः थःगु प्राण त्याग यात । व
इलय् महाद्यव रूद्र रुप धारण यानाः
सतीदेवीया म्ह कुबियाः ब्रह्माण्ड
चाःहिला जुल । भगवान विष्णु सुदर्शन
चक्रं सतीदेवीया शरीरयात ५२ कुचा
यानाबिल । उगु इलय् सतीदेवीया जव
तुतिया पुलिं क्वय्या भाग थन हे कुवाय्
कुतुवन । अय्जुयाः थ्व देगःयात
श्रीदेवी कूप देगः नं धाइ । थ्व थाय्
थानेश्वरय् दु ।

महाभारत कालय् श्रीकृष्ण
पाण्डवलसँ थुगु देगलय् वःगु
खः । उमिसं युद्धय् विजयया लागिं
मांयात भाकल यात । अय्जुयाः युद्ध
त्याकेधुंकाः पाण्डवतय्सं थन वयाः
सल दान याःगु खः । व हे इलनिसें
थन थ्व प्रथा न्ह्यानावःगु धाइ । सुं
थन वयाः वहःया वा लुँया सल छाःवइ
धाःसा आम जनतां चाया सल छाथ्यु
याः । थन प्रणव मुखर्जी, देवी प्रतिभा
पाटिल सिंहलिसँ कर्यौ

राष्ट्रपतित व अतिविशिष्ट मनूत
वयाः पूजा याय्गु याः ।

नेपालय् धाःसा भद्रकालीया
जात्रा यानावःगु दु । यँया भद्रकालीया
जात्रा पाहाँचःन्हैबलय् याइ । अथे
हे, पलौतिइ नं दैय्दसं भद्रकालीया
जात्रा यानावःगु दु । अथे हे, लुभुइ
नं भद्रकालीया जात्रा याय्गु याः ।
नेपालय् थीथी थासय् दुपिं भद्रकालीया
जात्रा थीथी इलय् जुयावःगु दु । माता
भद्रकाली सकसिया कल्याण याय्माः ।

असोज २१ व २४ गते किपुली देवी प्याखं



लहना वाःपौ/किपूया १० वडा तःननी त्वाल्य च्वंगु तःननी दाफा खलःया ग्वसाल्य दैय्दसं मोहनी नखःया इवल्य चालं कुन्हु देवी प्याखं पितव्वज्या जुङ्ग जुयाच्वंगु दु। थ्वहे इवल्य मोहनी नखःया लसताय् वंगु चालं कुन्हु थुगु देवी प्याखं पितव्वज्या जूगु खः।

थुगु देवी प्याखं क्यनेज्या इवल्य ने.सं. ११४५ कौलाथ्व कतिपुन्ही (अमासि पुन्ही) असोज २१ गते मंगलवाः किपूया १० वडाया जगतपाल महाविहार चिलंच्वय देवी प्याखं क्यनेज्या जुङ्ग जूगु दु।

ग्वसाः खलः तःननी दाफा खलकं ब्यूगु जानकारी कथं चिलंच्वया जगतपाल महाविहार लागाय् मंगलवाः सनिलया खुता इलय् थुगु देवी प्याखं क्यनेज्या जुङ्ग जूगु दु। चिलंच्वय थुगु देवी प्याखं क्यनेगु नितिं ग्वसाः खलः तःननी दाफा खलकं जगतपाल महाविहारलिसे समन्वय याःगु दु।

अथेहे, थुगु देवी प्याखं क्यनेज्या इवल्य वङ्गु ने.सं. ११४५ कौलागा चौथि (असोज २४ गते) शुक्रवाः पांगाया धुसि त्वाल्य गणेद्यः न्ह्यःने थुगु देवी प्याखं क्यनेज्या जुङ्ग जानकारी नं ग्वसाः खलः तःननी दाफा खलकं ब्यूगु दु।

पांगाया धुसि त्वाल्य थुगु देवी प्याखं क्यनेज्याया नितिं ग्वसाः खलः तःननी दाफा खलकं धुसि दाफा खलःलिसे समन्वय याःगु दु। थुगु देवी प्याखं सलंसः दै न्ह्यःनिसं हे मोहनी नखःया चालंया दिं पिथनेगु परम्परा न्ह्यानाः वयाच्वंगु खः। छुं दै न्ह्यःतक थुगु प्याखं पिथनेगु ज्या द्यूगु नं खः। थनी भिन्हयदै भिन्च्यादै न्ह्यःनिसं हाकनं थुगु प्याखंयात निरन्तर रुपं पिथनेगु ज्या न्ह्याःगु खः।

थ्वहे इवल्य वंगु भिन्च्यादै न्ह्यः किपुली कीर्तिपुर महोत्सव जूगु इलय् पर्यटकपिन्त क्यनेगु नितिं थुगु देवी प्याखंया नितिं कीर्तिपुर महोत्सव

ग्वसाः खलकं द्यःपिनिगु नक्कली ख्वाःपाः दयेकाः महोत्सव ज्वःछि क्यनेज्या याःगु खः।

थुगु देवी प्याखं पिथनेगु नितिं परम्परा कथं दैवी शक्ति छ्यलाः प्याखं म्वःपिन्त ख्वाःपाः लःल्हानाः पिथनेगु चलन व परम्परा द्यूगु खः। थुगु प्याखंया मू गुरुजु जगतपाल महाविहार चिलंच्वया गुरु धर्म गुरुजु खः। चिलंच्वया गुरु जूगु हुनिं हे थुगु देवी प्याखं अमासि पुन्हीया दिं उगु लागाय् क्यनेगु परम्परा न्ह्यानाः वयाच्वंगु अनया ज्येष्ठ नागरिकपिन्सं कनेगु याः।

थुगु देवी प्याखंया गुरु धर्म गुरुजु दिवंगत जुङ्गुकाः दैवी शक्ति छ्यलाः प्याखं पिथनेगु भाला सुनानं मकाःगु हुनिं व थुगु देवी प्याखं छू अलौकिक शक्तिया प्याखं जूगु हुनिं थौकन्हय् कीर्तिपुर महोत्सवया इलय् छ्यलाबुलाय् हःगु नक्कली ख्वाःपाः पुयाः द्यःपिनिगु पूजाआजा लिसें नित्य कर्म यानाः तःननी दाफा खलःया युवापिनिगु सक्रियता निरन्तर कथं पिथनेगु पलाः न्ह्याकाः वयाच्वंगु दु।

छू अतिकं न्ह्याइपुगु व ख्यालिन्हीलिसें द्यःपिनिगु महिमालिसं ख्याः व कव्या तक न्ह्याइपुगु ब्वज्या जुङ्ग थुगु देवी प्याखं स्वयेगु नितिं ग्वसाः खलकं असोज २१ गते मंगलवाः किपूया चिलंच्वय व असोज २४ गते पांगाया धुसि त्वाल्य जुङ्ग क्यनेज्याय् सहभागिताया नितिं इनाप याःगु दु।

भ्रष्टाचारजन्य ज्याखँ मजुइकेत स्वंगू मन्त्रालयय् हटलाइन सञ्चालन



लहना वाःपौ/ऊर्जा, जलस्रोत नापं सिँचाइ, सहरी विकास मन्त्रालय व भौतिक पूर्वाधार नापं यातायात मन्त्रालयय् खनेदुगु ढिलासुस्ती, मोलमोलाहिजा व भ्रष्टाचारजन्य ज्याखँ मजुइकेत हटलाइन नम्बर सञ्चालनय् हःगु दु।

मन्त्रालयया विभाग, आयोजना नापं मातहतया ज्याकुथिइ सेवाग्राहीतय्त ज्या ब्वयेगु, घुस/रिसवत मागे यायेगु, अनावश्यक दुःख बिङ्गु, बांमलाक व्यवहार यायेगुलिसेया ज्याखँ जुलधाःसा

सेवाग्राहीतय्सं तय्यंक गुनासो बिङ्गुइगु व्यवस्था दयेकूगु खः।

ऊर्जा, जलस्रोत नापं सिँचाइ मन्त्रालयलिसे सम्बन्धित गुनासोया नितिं टेलिफोन ल्याः ०१-४२११५११ व हटलाइन नम्बर ११५१ छ्यलेफइ।

अथे हे सहरी विकास मन्त्रालयसम्बन्धी गुनासोया नितिं टेलिफोन ल्याः ०१-४२०००१ छ् यलेफइगु व्यवस्था जूगु धाःगु खः। अथे हे भौतिक पूर्वाधार नापं यातायात मन्त्रालयसम्बन्धी गुनासोया नितिं ०१-४२११७२ य् सम्पर्क यायेफइ।

जेनजीया प्रदर्शनय्.....

मफइगु अवस्था चुनावयात तकं लिच्वः लायेफइगु जूगुलिं राष्ट्रपति पौडेलं दुने दुने राजनीतिक पार्टीत लिसे सहलह ब्याकेगु ज्या धाःसा जुयाच्वंगु खँ नं सूत्रं धाःगु दु।

निर्वाचनय् राजनीतिक दलतय्सं ब्वति काइगु जुयाः राजनीतिक दलत लिसे सहलह मयासं न्ह्याःवनेफइगु अवस्था मदुगुलिं यानाः प्रधानमन्त्री कार्की हे सर्वपक्षीय बैठक सःतेमाःगु खँ राष्ट्रपति पौडेलं धायेगु यानाच्वंगु खँ नं सूत्रं धाःगु दु।

राष्ट्रपति पौडेलं निर्वाचनया वातावरण दयेकेगु नितिं कांग्रेस सभापति शेरबहादुर देउवा व एमाले अध्यक्ष केपी शर्मा ओली बाहेक मेगु राजनीतिक दलतया शीर्ष नेतात लिसे सहलह ब्याकेधुंकूगु खँ सूत्रं धाःगु दु। लिसें राष्ट्रपति पौडेलं थीथी राजनीतिक दलया निगूगु तहया नेतात लिसे नं सहलह ब्याकाच्वंगु दु। उकी एमाले व कांग्रेसया नेतात नं दुथ्याःगु खँ राष्ट्रपति कार्यालयं धाःगु दु।

थ्वहे इवल्य निर्वाचन आयोगं थीथी राजनीतिक दलत लिसे सहलह ब्याकीगु जूगु दु। निर्वाचन आयोग निर्वाचनया तयारी, शान्ति सुरक्षा, मतपेटिका, मतपत्र आदियात कयाः

सहलह ब्याकीगु खँ धाःगु दु। उकथं हे मतदाता नामावली आदि विषययात कयाः नं सहलह ब्याकीगु खँ धाःगु दु।

थुगुसी

गबले भाषिक दमन जुइ अबले अबले बिराट गुथि फुक्कं नेवातयगु हक अधिकारया नितिं सकृय जुया दनावयाच्वंगु खँ मूपाहाँ प्रा. डा. चुन्दा बज्राचार्य लुम्का दिल।

मौसम प्रतिकूलताया बाबजुद नं स्वनिगःया थ्यंमथ्यं नीम्ह साहित्यकारपिन्सं साहित्यिक धेंधेबल्ला कासाय् ब्वति कयादीगु नापं वरिष्ठ गायक सत्यनारायण मानन्धर, हरिसुन्दर लाखे व प्रदिप शाक्यपिन्सं म्ये हाला ज्याइवःयात अभ्र भःभः धायेकाब्यूगु खः।

धेंधेबल्ला कासाय् न्हाप, ल्यू व लियाँल्यू लाःपिन्त दां व हनापौ नं लःल्हाःगु खः।

दैय्दसंथें एसईई परिक्षाय् नेपालभाषा विषय कयाः उत्कृष्ट ल्याः हयेत ताःलाम्ह ब्वनामियात बीगु सिरपाः जगत सुन्दर ब्वनेकुथिया फिदा खातुनयात बीगु जूगु दु।

परिवर्तनया नामय् वयेधुंकूगु अधिकारयात क्वपाले दैमखु धकाः विराट गुथि न्ह्याबले खबर्दारी याना वयाच्वंगु खँ कर्माचार्य कनादिल।

यलय् दुर्लभ महान् कथिन चीवरदान उत्सव

लहना वाःपौ/बुद्ध जयन्ती हिरक समारोह मूल समिति - २५७० या ग्वसालय् यलया नागबहालय् दुर्लभ महान् कथिन चीवरदान उत्सव जुङ्ग जूगु दु। उगु उत्सवय् छुन्हु हे कपाय् फेना का निना काप थाना चीवर सुया तयार याना दान बिङ्गु खँया जानकारी आइतवाः पत्रकार सम्मेलनय् ब्यूगु दु।

त्रिपिटक विशारद श्रद्धेय भिक्षु पञ्जासार महास्थविर श्री अष्ट सद्धर्मायतन विहारय् स्वलायकं विनयपूर्वक वर्षावास पूर्वका बिज्याःगु लसताय् श्री अष्ट सद्धर्मायतन विहार, बुद्ध जयन्ती समारोह समिति २५७०, हिरण्यवर्ण महाविहार तारेमाम संघया ग्वसालय् अति पूजनीय भिक्षु महासंघयात कथिन चीवर दान बिङ्गु थ्व उत्सव २०८२ असोज २१ गते मंगलवाः खुन्हु न्हिनेसिया निता इलय् श्री अष्ट सद्धर्मायतन बिहार,



प्रयागपोखरीं न्ह्याइगु जूगु दु।

ज्याइवः कथं छुन्हु न्ह्यः चान्हेसिया १२ ता इलय् कपाय् फ्यनेगु ज्या शुरु जुइसा सुथसिया स्वता इलय् निना कापं थायेगु सुथसिया भिन्छता इलय् कापतय् रंग छिङ्गु ज्या जुइ धकाः धाःगु दु।

अथेहेतुं न्हिनेसिया भिन्निता इलय् चीवर सुइगु व छता इलय् नागबहालय् भेला जुङ्ग व कथिन

चीवर पदयात्रा शुभारम्भ याइगु जूगु दु। न्हिनसिया नितात्या इलय् शील प्रार्थना व बुद्धपूजा धुंकाः धर्म देशना अले स्वतात्पाता इलय् कथिन दान दातापिं व मूल आयोजक समितिपाखें मन्तव्य तइ धकाः धाःगु दु। वधुंकाः कथिन चीवर व अष्ट परिष्कार दान याना धन्यवाद ज्ञापन व पुण्यानुमोदन याइगु ग्वसाः दुगु खँया जानकारी नं पत्रकार सम्मेलनय् बिल।

हरेक मंगलवार

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

मालाः मालाः ब्वनादिसँ ।

प्रचलित नेपाललिपिं पिहाँ वयाच्वंगु म्हासीका लय्पौ ब्वनादिसँ/ब्वंकादिसँ

महसीका लय्पौ

MHASIKA Monthly | महसीका मासिक

न्हूम्ह कुमारीपाखें तलेजुया दर्शन



लहना वाःपौ/न्हूम्ह कुमारी आर्यतारायात हनुमानाध्वाखाय च्वंगु तलेजु भवानीया दर्शन याकूगु दु। तलेजुया दर्शन कुमारीयात शक्ति दइगु विश्वास यानातःगु दु।

लाय्कूलिइ च्वंगु कुमारीछेपाखें भैरव, गणेशलसेंया यात्रा यानाः कुमारीयात तलेजु यंकूगु

कुमारीछें व्यवस्थापन समितिया कजि गौतम शाक्य धयादिल। तान्त्रिक कथं दीक्षित पुजारी कुमारीयात तलेजु भवानीया दर्शन याकाः बिज्याःगु खः।

थ्वयां न्हयः वंगु मंगलवाः न्हूम्ह कुमारी आर्यतारा शाक्ययात विधिपूर्वकाः कुमारीछेय् आसनय् विराजमान याकूगु खः।

छगू विशेष समारोहय् म्वानाच्चम्ह देवीकथं हनीम्ह कुमारीयात विशेष बाजागाजालिसें पुजा यानाः आसनय् फय्तुइकूगु खः। विशेषयानाः हिन्दु व बौद्ध निगुलिं धर्मावलम्बीतय्सं पुज्याइम्ह कुमारी औपचारिक भाला ग्रहण यायेधुंकाः आः राजकीय भूमिका सुरु जूगु दु। इटुम्हाःया निर्दंत्या दुम्ह शाक्य थी थी धार्मिक ज्याखँय् ब्वति कयाः तलेजु भवानीया प्रतीकात्मक भूमिका म्हितेमाली। उबलय्या जुजु जयप्रकाश मल्लं

कुमारीयात स्थापना याःगु धायेगु याः। कुमारीघर व्यवस्थापन समितिया कजि गौतम शाक्यया कथं यँयाः, नवरात्रीलिसें क्वःछिनातःगु परम्परागत संस्कृतिइ कुमारी ब्वति काइगु नापं सर्वसाधारणतय्त क्वःछिनातःगु इलय् दर्शन बिइगु ज्याधलः दइ। वसन्तपुरया कुमारीछेय् नियमकथं कुमारीयात आवश्यक सेवा नापं नसात्वँसा, आवासया प्रबन्ध याइगु प्रचलन दु। कतिं पुन्हिकुन्हु राष्ट्रप्रमुख नं कुमारीया दर्शन याइगु परम्परा दु।

कुमारी छनोटया विधिकथं गुठी संस्थान, पञ्चाङ्ग निर्णायक समिति व स्वापुर्तुपिलिसे सल्लाह नापं परामर्शीलपा आर्यतारायात न्हूम्ह कुमारी छनोट याःगु खः। थ्वहे दथुइ न्हापाया कुमारी तृष्णा शाक्ययात नं विशेष समारोहय् पुजाआजा यानाः बिदाई ब्यूगु खः।

नेपालभाषा मंकाः खलः यलया

तःमुँज्याया सुचं

थ्व हे वइगु ने.सं. ११४६ कछलागाः एकादशी (२०८२ कार्तिक २९ गते) शनिवाः कुन्हु नेपालभाषा मंकाः खलः यलया भिन्प्यक्वःगु तःमुँज्या जुइगु सुचं बियाच्चना। मंकाः खलः यलया विधानकथं थुगु संस्थाय् म्हछि दुजः, जिवंकाछि व संस्थागत दुजः जुयादीफु। नापं पुर्लापिं म्हछि दुजः भाजुमय्जुपिंसं जः न्हूधाः यानादीत दुनुगलनिसें इनाप यानाच्चना।

ज्याकुथि चालीगु : सुथसिया ८:००-१०:०० तक

थाय् : नेपालभाषा मंकाः खलः यल, त्यागः, पिलाछें।

फोन ल्याः : ०१५४४०८०५, ९८४४८४४६६६



हिराकाजी महर्जन

नायः, नेपालभाषा मंकाः खलः यल त्यागः, पिलाछें

नोट : दुजः न्हूधाः व न्हू दुजः ने.सं. ११४५ कौलागाः एकादशी (२०८२ असोज ३१ गते) शुक्रवाःतकया दुने दुजः जुयादीपित जक मतदानया अधिकार दइ।

आन्तरिक पर्यटन प्रवर्द्धन गरौं।

- नेपालका हिमशृंखला, तालतलैया, निकुञ्ज तथा आरक्ष, धार्मिक एवं पर्यटकीय स्थलहरूको भ्रमण गरौं,
- जात्रा, नाचगान, भेषभूषा, साहित्य, कलालगायत नेपाली संस्कृतिको संरक्षण एवं प्रवर्द्धन गरौं,
- पर्यावरणमैत्री पर्यटनको विकास गर्दै जैविक विविधता संरक्षण गरौं,
- ग्रामीण पर्यटनका आधारको रुपमा रहेका होमस्टे, रैथाने खाना एवं सांस्कृतिक केन्द्रको विकास गरौं,
- पर्यटकको सेवा, सुरक्षा र सद्भावमा ध्यान दिऔं,
- स्वदेशी पर्यटकलाई प्रोत्साहन गरौं,
- आन्तरिक पर्यटनमार्फत रोजगारी सिर्जना गरौं।
- पर्यटक हाम्रा पाहुँना हुनु, सहयोग र सम्मान गरौं !



नेपाल सरकार

विज्ञापन बोर्ड

उपलब्ध हुने सामानहरू : डेरी, मासु, बेकरी उद्योगका लागि चाहिने उपकरणहरू, प्याकिङ मेसिन, प्याकिङ मेटेरियलहरू, विविध केमिहलहरू तथा विविध औद्योगिक उपकरणहरू।

ठ्याकुम प्याकिङ मेसिन मिटिकड मेसिन अल्ट्रासोनिक फ्लुइड फिलर मेसिन

मिल्क क्यान क्रिम सेपरेटर मेसिन प्लेट चिलर

श्रेष्ठ ट्रेड मेडिया

श्री लाल मयज, १३ टंकट्येर (छाउली जाने बिष्णुमारी पुलसंगै), काठमाडौं । फोन : ८२००६८८/९८५१०८८९५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
साना डेरी उद्योग सञ्चालन गर्न आवश्यक प्राविधिक तथा आर्थिक सल्लाह

छत्रपाटी निःशुल्क चिकित्सालय (अस्पताल)

"स्त्रीरोग शुलभ स्वास्थ्य सेवा सकसिया नििति, असहायता नििति जक निःशुल्क"

उपलब्ध सेवा	शल्यक्रिया	अतिरिक्त सेवा	मेमेन्जु सेवा
२४ घण्टा सेवा - इमरजेन्सी - प्राथमिकी - एक्स रे - ई.सी.जी - औषधि पसल - अन्तरंग सेवा	- मोतिहनु - अन्तरंग सर्जरी - नाक काट पट्टी सम्बन्धि - हाडतनी तथा नाड सम्बन्धि - जिन्स किरकार पिशाङ नलीको तन्त्र सम्बन्धि	- मुटु रोग - पेट रोग - धुरोलाजी - हृदय रोग - बाल रोग - अन्तरंग रोग - अन्तरंग मेडिसिन - अन्तरंग रोग चिकित्सा - नाक काट पट्टी रोग - अन्तरंग रोग चिकित्सा - नाड रोग - मधुमेह	- ड्रेसिङ - इन्फेक्शन्कोपी - कोलोनीकोपी - किर्तिघोषेरापी - कन्जुगुएप्ट, कन्जुगुएप्ट र डोको - डुरोपेनी स्तरको रोग प्रयोगशाला - टि.ए.टि. हल्टर

३०६ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९